

Na osnovu provedenog postupka u skladu sa članom 90. Zakona o javnim nabavkama Bosne i Hercegovine, ("Službeni glasnik BiH", broj 39/14), Pravilnika o postupku direktnog sporazuma („Sl. glasnik BiH“, broj 90/14), Pravilnika o postupku direktnog sporazuma J.U. Zavoda za javno zdravstvo Kantona Sarajevo i na osnovu Odluke o prihvatanju cijene ponuđača broj: 05.12.101-6058–Odluka o prihvatanju cijene/19 od 08.10.2019.godine, zaključuju slijedeće:

**UGOVOR O NABAVCI USLUGE
STRUČNO-TEHNIČKI NADZOR NAD IZVOĐENJEM RADOVA
ADAPTACIJE UNUTRAŠNJIH PROSTORIJA ZDRAVSTVENE USTANOVE**

J.U. ZAVOD ZA JAVNO ZDRAVSTVO KANTONA SARAJEVO, ulica Dr.Mustafe Pintola broj 1/III Ilidža - Sarajevo, identifikacioni broj: 4200329950003, koga zastupa Prof.dr.med.sci. Aida Pilav, direktorica (u daljem tekstu: Naručilac)

i

TRACEST d.o.o. Sarajevo, ul. Bugojanska 12, identifikacioni broj: 42001015550007, koga zastupa direktor Samir Serdarević, dipl.ing.građ., (u daljem tekstu: Izvršilac), zaključili su:

I PREDMET UGOVORA

Član 1.

Naručilac naručuje, a Izvršilac se obavezuje izvršiti uslugu vršenja stručnog nadzora nad izvođenjem radova Adaptacije unutrašnjih prostorija Naručioca, u ulici dr. Mustafe Pintola 1/III Ilidža.

Član 2.

Usluga iz člana 1. podrazumijeva praćenje od početka pripremnih radova koji će se vršiti u unutrašnjim prostorijama Naručioca do konačnog završetka i davanja potvrde o završetku radova.

U ime Izvršioca usluge stručnog nadzora nad provođenjem adaptacije unutrašnjih prostorija Naručioca, a u skladu sa važećim Zakonom o prostornom uređenju Kantona Sarajevo vršit će Muhamed Teftedarija dipl.ing.građ i Mirsad Bogdanić dipl.ing.građ.

Cijena ugovorene usluge iznosi:

4.972,50 KM

(slovima: četirihiljadedevetstotinasedamdesetdvije i 50/100 KM)

U cijenu ugovorene usluge uključen je PDV od 17 %.

Član 3.

Naručilac i Izvršilac su saglasni da se Ugovor realizuje prema već definisanim uslovima u Pozivu za dostavu ponude broj: 05.12.101-6058-poziv/19 od 04.10.2019. godine i ponudom Izvršioca broj: 78/10 od 07.10.2019. godine.

Izvršilac će vršiti nadzor nad adaptacijom koju će vršiti Izvođač radova „KOLINVEST“ d.o.o., u skladu sa ponudom Izvođača i tenderskom dokumentacijom Naručioca.

II NAČIN PLAĆANJA

Član 4.

Naručilac će platiti fakturu, nakon završene adaptacije i predaje konačnog zapisnika o izvršenoj primopredaji, kojim je utvrđeno da nema primjedbi, a u roku 30 (trideset) dana od dana ispostavljanja faktura.

Naručilac će ugovorenu cijenu iz člana 2. Ovog Ugovora isplatiti na račun Izvršioca broj: 3383202265875292, otvoren kod UniCredit banke d.d.

III OBAVEZE UGOVORNIH STRANA

Član 5.

Izvršilac se obavezuje da uslugu iz člana 1. ovog Ugovora, prati i nadzire u skladu sa ugovorom zaključenim između Izvođača radova i Investitora, te u skladu sa tenderskom dokumentacijom za nabavku usluge adaptacije unutrašnjih prostorija zdravstvene ustanove i u skladu sa važećim propisima i standardima.

Član 6.

U provođenju nadzora Izvršilac je dužan:

- provjeriti i utvrditi gradi li se u skladu sa tenderskom dokumentacijom za nabavku usluga adaptacije unutrašnjih prostorija zdravstvene ustanove i projektnom dokumentacijom, te važećim propisima i standardima,
- provjeriti i utvrditi da je kvalitet radova, ugrađenih proizvoda i opreme u skladu sa zahtjevima projekta, uvjetima propisanih zakonom, posebnim zakonima i propisima, važećim propisima i standardima, te da je taj kvalitet dokazan propisanim ispitivanjima i dokumentima,
- biti prisutan u svim fazama izvođenja radova, kao i vršiti kontrolu kvalitete ugrađenih materijala,
- potvrditi izvođenje radova potpisivanjem građevinskog dnevnika, te kontrolisanjem građevinske knjige i svih izmjena u tehničkoj dokumentaciji,
- izvršiti primopredaju radova i o tome sačiniti zapisnik kojim je konstatovano da nema nedostataka u izvršenim radovima,
- Ovjeriti privremene i okončanu situaciju Izvođača.

IV PRELAZNE I ZAVRŠNE ODREDBE

Član 7.

Ugovor stupa na snagu danom obostranog potpisivanja od strane ovlaštenih lica ugovornih strana, na period do završetka radova adaptacije i predaje zapisnika kojim je utvrđeno da nema nedostataka u izvršenim radovima.

Član 8.

Svaka ugovorna strana može pokrenuti postupak raskida Ugovora ako druga strana ne izvršava preuzete utvrđene obaveze, uz otkazni rok od 15 (petnaest) dana.

Član 9.

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom ugovara se nadležnost suda u Sarajevu

Član 10.

Za sve što nije regulisano ovim Ugovorom primjenjivaće se odredbe Zakona o obligacionim odnosima.

Član 11.

Punovažne i obavezujuće su samo one izmjene i dopune ovog Ugovora koje su ugovorne strane sačinile sporazumno i u pisanoj formi.

Član 12.

Ovaj Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

**TRACEST d.o.o.
SARAJEVO
DIREKTOR**



(Samir Serdarević dipl.ing.građ.)

**J.U. ZAVOD ZA JAVNO ZDRAVSTVO
KANTONA SARAJEVO
DIREKTORICA**



(Prof.dr.med.sci. Aida Pilav)

Broj: 81-10/19
Sarajevo, 11.10.2019. godine

Broj: 05.12.101-6058-Ugovor/19
Sarajevo, 10.10.2019. godine